



**REPUBLIKA E KOSOVËS**  
REPUBLIKA KOSOVA – REPUBLIC OF KOSOVO  
**GJYKATA THEMELORE NË PRIZREN**  
OSNOVNI SUD U PRIZRENU – BASIC COURT OF PRIZREN

---

I-GJA.nr.1/2023-5  
23Janar 2023

**Plani Strategjik për vitin 2023**  
**PËR: Këshillin Gjyqësor të Kosovës**



REPUBLIKA E KOSOVËS  
**GJYKATA THEMELORE NË PRIZREN**  
REPUBLIKA KOSOVA – REPUBLIC OF KOSOVO  
GJYKATA THEMELORE NË PRIZREN  
**KRYETARJA**  
OSNOVNI SUD U PRIZRENU – BASIC COURT OF PRIZREN  
**SHPRESA EMRA**

**JANAR 2023**

## PËRMBAJTJA

- I. Hyrje – Përmbledhje ekzekutive*
- II. Organizimi dhe Raportimi*
- III. Monitorimi*
- IV. Përfundimi*



REPUBLIKA E KOSOVËS  
REPUBLIKA KOSOVA – REPUBLIC OF KOSOVO  
GJYKATA THEMELORE NË PRIZREN  
OSNOVNI SUD U PRIZRENU – BASIC COURT OF PRIZREN

## ***I. Hyrje – Përmbledhje ekzekutive***

Plani strategjik për efikasitetin dhe prioritizimin e lëndëve brenda sistemit të gjykatës 2022-2025, është prioritet dhe udhëzimi kryesor për punën profesionale të Gjykatës Themelore në Prizren gjatë vitit 2023.

Ky plan, përmban në mënyrë të qartë dhe precize hapat për efikasitetin profesional, dhe për secilin ka të sqaruar në mënyrë të qartë dhe të saktë për detyrat dhe obligimet që rrjedhin nga ky plan.

Andaj referuar kësaj, pas riorganizimit në vitin 2022, Gjykata Themelore në Prizren, gjatë vitit 2023 synim kryesor ka zgjidhjen e lëndëve në afat sa më të shkurtër kohor, sidomos në Divizionin Civil, dhe trajtimin me shumë kujdes të rasteve me interes publik në Departamentin e Krimeve të Rënda, në përputhje me parimet e drejtësisë.

Për të realizuar këtë planifikojmë mbikëqyrjen e përditshme Gjyqësore dhe menaxheriale për zbatimin e këtij plani, përpilimin e raporteve të rregullta mujore dhe tre mujore, për trajtimin e rasteve specifike të ndikojnë drejtpërdrejt në perceptimin e publikut, me qëllim të rritjes së besueshmërisë në Gjykatë.

Që nga aprovimi i Planit Strategjik 2023 si Kryetare e Gjykatës, kam zhvilluar takime të veçanta, me udhëheqësit e Divizioneve, me Gjyqtarë të secilit Departament, dhe të gjithë Gjyqtarëve i 'u është dorëzuar Plani Strategjik, duke u udhëzuar në mënyrë specifike për obligimet dhe detyrat që rrjedhin nga ky plan strategjik për secilin Gjyqtarë, dhe për Gjykatën si institucion.

## ***II. Organizimi dhe Raportimi***

Gjatë vitit 2023, udhëheqësit e departamenteve do ti raportojnë Kryetare së Gjykatës për punën e departamenteve që drejtojnë së paku njëherë në tre (3) muaj. Pjesë e raporteve duhet të jenë obligimet dhe detyrat që dalin nga Plani Strategjik për përmasimin e qasjes në drejtësi.

Bashkëpunimi në mes të Divizionve dhe Departamenteve me Udhëheqësit e Institucioneve, komunikimi i rregullt si dhe raportimi në baza të rregullta, janë planifikimet dhe synimet për vitin 2023 me qëllim të realizimit të plotë të Planit për përmasimin e qasjes në Drejtësi.

Shpërndarja e barabartë, dhe caktimi i bashkëpunëtorëve profesional për secilin Gjyqtar, është një hap që synojmë të rrisim efikasitetin në zgjidhjen e lëndëve duke shkurtuar sa më shumë kohën që kërkohet që kërkohet për zgjidhjen e rasteve.

Trajtimi i lëndëve më të vjetra se 24 muaj do të jetë prioritet, dhe do ti kushtohet vëmendje e veçantë. Edhe në raportin e Punës për vitin 2022, kemi paraqitur moshën e lëndëve në pritje, andaj për vitin 2023 kjo fushë do të jetë në monitorim të veçantë, në mënyrë që të arrihen rezultate më të mira sa i përket lëndëve në pritje më të vjetra se 12 muaj. Edhe në raportet tre mujore do të raportojmë në baza të rregullta për moshën e lëndëve në pritje.



Në planin e punës për vitin 2023, vazhdojnë punën dy (2) Gjyqtare me angazhimet specifike dhe të veçanta dhe atë: Një (1) Gjyqtare koordinatorë për monitorimin e rasteve të dhunës në familje në referatin Penal dhe Një (1) Gjyqtare për trajtimin e rasteve të urdhër mbrojtjes, në referatin Civil, me qëllim të trajtimin në afat sa më të shpejta të këtyre rasteve, që edhe gjatë vitit 2022 ka rezultuar me sukses.

Për zbatimin e këtyre synimeve, në muajin Janar të vitit 2023, secili Gjyqtarë do të bën verifikimin dhe regjistrimin e lëndëve aktive në zyre, dhe do të përpilohet raport i veçantë për moshën e lëndëve në pritje.

Gjykata Themelore në Prizren, tashmë në raportimet e rregullta shfrytëzon programin SMIL në punë të evidentimit dhe kryerjen e të gjitha punëve tjera si dhe për të siguruar të dhëna dhe statistika për gjendjen në Gjykatë, andaj gjatë vitit 2023 synojmë që program të jetë 100% funksional dhe në shfrytëzim andaj Gjyqtarët dhe Staf Administrativ janë udhëzuar të kenë kujdes të veçantë në përmbushjen e hapave në këtë program.

### **III. Monitorimi**

Të gjitha këto synimet dhe qëllimet për vitin 2023, do të monitorohen në mënyrë të rregullt, në baza tre (3) mujore, ashtu që secili Departament Divizion dhe sektor i Gjykatës do të ketë përgjegjësin që do të raporton tek Kryetarja e Gjykatës, e këto raport do të përcillen edhe tek KGJK-ja dhe komisionet adekuate.

Në tre muajorin e I-rë të vitit 2023, do të evidentojmë dhe identifikojmë grupin e lëndëve për tu trajtuar brenda vitit 2023. Identifikimi i lëndëve do të bëhet përmes programit SMIL, por edhe secili Gjyqtar veç e veç brenda muajit Janar 2023, do të përpilon raport të veçantë dhe të detajuar për gjendjen dhe ngarkesën me lëndë, duke iu referuar Planit për efikasitet dhe prioritetit.

Deri në fund të muajit Mars –respektivisht në tremujorin e parë Gjykata do të përpilon një raport të veçantë i cili do të përmbajë: Numrin e lëndëve më të vjetra se 24 muaj, për secilin departament; Numrin e lëndëve të kthyer në rigjykim; Numrin e lëndëve që në gjashtë (6) muajt e ardhshëm arrijnë parashkrimin dhe atë për secilin gjyqtar.

Gjithashtu nga Gjyqtarët do të kërkojmë raporte për shtyrjen e seancave gjyqësore, arsyen e shtyrjes apo anulimit të seancave gjyqësore, në mënyrë që të evitojmë seancat jo produktive.

Gjyqtarët, dhe udhëheqësit e Departamenteve do të krijojnë raporte të veçanta tre mujore, për të paraqitur gjendjen e lëndëve që kanë në zyre dhe departament, duke specifikuar lëndët që rrezikojnë të parashkruhen, lëndët e krimit të organizuar të shënjestruara, lëndët e natyrës së Korrupsionit zyrtar si dhe lëndët tjera të përcaktuara në Strategji si prioritare, Gjithashtu Divizioni Civil do të ketë në fokus të veçantë lëndët që janë në rigjykim, kontestet të natyrave statusore dhe kontestet e punës, si dhe lëndët tjera të përcaktuara në Strategji si prioritare.



Një kujdes dhe trajtim i veçantë gjatë vitit 2023, do të jetë edhe për zyrën për ekzekutimin e sanksioneve penale. Në muajin Janar - Shkurt do të bëjmë një evidentim dhe identifikim të lëndëve dhe pengesave për ekzekutimin e këtyre lëndëve, dhe pastaj do të përpilohet një raport dhe plan i veprimit për vitin 2023.

#### **IV. Përfundimi**

Bazuar në të lartcekura si Kryetare e Gjykatës, dhe si autoritet kompetent, do të ndërmarr të gjitha veprimet konkrete në rastet kur Gjyqtarët nuk zbatojnë masat e propozuara nga KGJK-ja.

Me qëllim të rritjes së efikasitet, synojmë që gjatë vitit 2023, të rritet zgjidhja e lëndëve përmes formave alternative, sikur në Gjykatën Themelore Prizren, ashtu edhe në degët Suharekë & Dragash. Për këtë në Gjykatë do të krijojmë hapësirë të veçantë për zyrtarët për trajtimin e rasteve të ndërmjetësimit, kurse sa i përket Degës në Gjykatën e Suharekës kemi filluar iniciativë që edhe në këtë gjykatë të funksionalizohet zyra për ndërmjetësim ashtu si e kemi edhe në gjykatën tonë. Kjo do të fillojë me punë në momentin kur të sigurojmë një zyrtar nga gjykata –bashkëpunëtor profesional i cili do të punojë në realizimit të procedurës së ndërmjetësimit.

Gjatë vitit 2023, Gjykata Themelore në Prizren, dhe degët Suharekë & Dragash, synojmë që të tejkalojmë sfidat kryesor që kanë qenë vonesat në trajtimin e lëndëve në sistemin Gjyqësor, rritja e profesionalizmit dhe kompetencës, dhe rritja e llogaridhënies me qëllim të besueshmërisë së publikut.

Qasja në Gjykatë për palët dhe qytetarët tashmë gjatë vitit 2023 do të jetë shumë më lehtë. Në tre mujorin e I-rë të vitit 2023, në bashkëpunimin me partnerët tanë do të bëjmë shenjëzimin dhe udhëzimet për të dy objektet e Gjykatës Themelore në Prizren, (objektin aktual dhe objektin e ri të Divizionit Civil), dhe kjo do të ndihmoj qasjen më të lehtë të qytetarëve dhe palëve që marrin shërbime në Gjykatë.

Për realizimin e synimeve dhe qëllimeve të lartcekura sa i përket trajtimit të lëndëve dhe efikasiteti profesional, Gjykata ka nevojë për mbështetje nga Sekretariati i KGJK-së, dhe përmbushjen e kërkesë për plotësimin e vendeve të punës (që janë së paku pesëmbëdhjetë(15) pozita), kërkesë të cilën e kemi dorëzuar ditën e I-rë të punës 04 janar 2023, kjo sepse ndarja e barabartë e punëve dhe përgjegjësiive për Kryetaren e Gjykatës dhe Administratoren, kërkon staf mbështetës për të realizuar synimet dhe qëllimet për vitin 2023.

Gjatë vitit 2022, unë si Kryetare e Gjykatës së bashku me Stafin mbështetës kemi treguar vullnetin dhe angazhimin për ndryshim, ashtu që tashmë kemi ofruar kushte dhe ambient më të mirë të punës për Gjyqtarët dhe stafin, dhe qytetarët kanë qasje më të lehtë dhe hapësira adekuate në objektet e Gjykatës, andaj gjatë 2023 presim edhe mbështetjen e KGJK-së, për realizimin e synimeve me qëllim të rritjes së besueshmërisë së qytetarëve në Institucionet e drejtësisë.

**Kryetarja e Gjykatës Themelore në Prizren**  
**Shpresa EMRA**